

## **ORDENANZA N.º2**

### **ORDENANZA FISCAL REGULADORA DA TAXA POR LICENZAS DE AUTOTAXI E DEMAIS VEHICULOS DE ALUGUEIRO**

#### **Artigo 1º.- Fundamento e natureza**

No uso das facultades concedidas polos artigos 133.2 e 142 da Constitución e polo art. 106 da Lei 7 / 1985, do 2 de abril, reguladora das bases de réxime local, e de conformidade co disposto nos artigos 15 a 19 da Lei 39 / 1988, do 28 de decembro, reguladora das facendas locais, este Concello establece a “Taxa por licenza de autotaxis e demais vehículos de alugueiro”, que se rexerá pola presente ordenanza fiscal, cuxas normas atenden aoprevido no art. 58 da citada Lei 39/ 1988.

#### **Artigo 2º.- Feito imponible**

Constitúen o feito imponible desta taxa a presentación dos servizos e a realización das actividades que, en relación coas licenzas de autotaxis e demais vehículos de alugueiro a que se refire o Regulamento aprobado por Real decreto 763/1979, do 16 de marzo, sinálanse a continuación:

- a) Concesión e expedición de licenzas.
- b) Autorización para transmisión de licenzas cando proceda o seu outorgamento, consonte á lexislación vixente.
- c) Autorización para substitución dos vehículos afectos ás licenzas, ben sexa este cambio de tipo voluntario ou por imposición legal.
- d) Revisión anual ordinaria de vehículos e revisión extraordinaria a instancia de parte.
- e) Dilixenciamento dos libros - rexistro das empresas de servizos de transportes reguladas no dito regulamento.

#### **Artigo 3º.- Suxeito pasivo**

Están obrigados aopagamento da taxa, en concepto de suxeitos contribuíntes, as persoas físicas e xurídicas e as entidades, a que se refire o art. 33 da Lei xeral tributaria, seguintes:

1. A persoa ou entidade a cuxo favor se outorgue a concesión e expedición da licenza, ou en cuxo favor se autorice a transmisión desta.
2. O titular da licenza cuxo vehículo sexa substituído ou obxecto de revisión, tanto ordinaria como extraordinaria, e/ou cuxos libros - rexistro sexan dilixenciados.

#### **Artigo 4º.- Responsable**

1.- Responderán solidariamente das obrigas tributarias do suxeito pasivo, as persoas físicas e xurídicas a que se refiren os artigos 38.1 e 39 da Lei xeral tributaria.

2.- Serán responsables subsidiarios, os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o art. 40 da Lei xeral tributaria.

### **Artigo 5º.- Cota tributaria**

A cota tributaria determinarase por unha cantidade fixa sinalada segundo a natureza do servizo ou actividade, de acordo coa seguinte tarifa:

<b>CONCEPTOS</b>	<b>PESETAS</b>	<b>EUROS</b>
<b>Epígrafe primeiro.- Concesión e expedición licenza</b>		
a) Licenzas da clase A .....	52.100 .....	313,13
b) Licenzas da clase B .....	52.100 .....	313,13
b) Licenzas da clase C .....		
<b>Epígrafe segundo.- Autorización para transmisión de licenzas</b>		
a) Transmisión de “inter vivos”		
1. De licenzas da clase A .....	12.000 .....	72,12
2. De licenzas da clase B .....	12.000 .....	72,12
3. De licenzas da clase C .....	12.000 .....	72,12
b) Transmisión “mortis causa”		
1. A primeira transmisión de licenzas de calquera clase en favor dos herdeiros forzosos .....	12.000 .....	72,12
2. Ulteriores transmisións das referidas licenzas... ..	12.000 .....	72,12
<b>Epígrafe terceiro.- Substitución de vehículos</b>		
a) De licenzas da clase A .....	2.700 .....	16,23
b) De licenzas da clase B .....	2.700 .....	16,23
c) De licenzas da clase C .....	2.700 .....	16,23
<b>Epígrafe cuarto.- Revisión de vehículos</b>		
a) Revisión anual ordinaria .....	1.900 .....	11,42
b) Revisión extraordinaria, a instancia de parte .....	1.900 .....	11,42
<b>Epígrafe quinto.- Dilixenciamiento de libros-rexistro</b>		
a) Empresas titulares de licenzas, obrigadas a iso .....	2.400 .....	14,42

## **Artigo 6º.- Exencións e bonificacións**

Non se concederá ningunha exención ou bonificación no pagamento da taxa.

## **Artigo 7º.- Devengo**

1. Devéngase a taxa e nace a obriga de contribuir, nos casos sinalados nas letras a), b) e c) do artigo 2.º, na data que este Concello conceda e expida a correspondente licenza ou autorice a súa transmisión ou a substitución do vehículo.

2. Cando se trate da prestación dos servizos de revisión de vehículos e de dilixenciamento de libros-rexistro, a taxa devengarase no momento en que se inicie aquela prestación, entendendo, para estes efectos, que a dita iniciación se produce coa solicitude destes.

## **Artigo 8º.- Declaración de ingreso**

1. A relación das actividades e a prestación dos servizos suxeitos a esta taxa levaranse a cabo a instancia de parte.

2. Tódalas cotas serán obxecto de liquidación para ingreso directo, unha vez concedidas as licenzas ou autorizacións de que se trate e realizados os servizos solicitados, procedendo os contribuíntes ao seu pagamento no prazo establecido polo Regulamento xeral de recadación.

## **Artigo 9º.- Infraccións e sancións**

En todo o relativo á cualificación de infraccións tributarias, así como das sancións que a estas correspondan en cada caso, estarase aodisposto nos artigos 77 e seguintes da Lei xeral tributaria.

## **DISPOSICIÓN FINAL**

A presente ordenanza fiscal, cuxa redacción definitiva foi aprobada polo Pleno da Corporación na sesión do día vinte e oito de setembro de mil novecentos oitenta e nove, entrará en vigor o mesmo día da súa publicación no Boletín da Provincia e será de aplicación a partir do día seguinte, permanecendo en vigor ata a súa modificación ou derogación expresas.